

國
朝
文
錄

南庄類稿文錄引

南庄類稿廣昌黃靜山先生著先生以豪傑自命未達時希風魏
叔子暨官于朝與方望溪李穆堂諸先生相討論湛深經術卓然
欲追古人所作興說三篇痛流俗之淪胥而欲人鼓其志氣才力
以自奮其文雖未免痕迹百世之下必有讀之而興起者集中論
較多行文尙未甚老鍊而以怨目狄以量許禪以氣推范亦萬世
公評書多自辨之詞大畧與歸大僕近序記則融精鍊液旨遠詞
文脫盡叮咛力矯庸俗始陶鑄于震川叔子望溪之間而自成一
格者蓋排偶之體至震川始能擺脫叔子加以古勁望溪又以精

詣勝之先生參和其間遂能生面別開各有其勝予是以知文章之境地無窮而嘆先生之苦心孤詣爲不可及也先生所著有白雲詩鈔二卷風格在韓昌黎杜少陵之間亦無一筆猶人者又有靜子日記其論文謂以經術爲本元承有宋大儒經學昌明之後學者非詩書六藝濂洛關閩之說勿道其遜志畢力于此者又無科舉骯髒督亂之習以破壞之故人皆各以其學之所蘊蓄志之所向往氣之所鼓盪者爲文其達而在上者若姚牧菴之春容盛大沉鬱博厚虞邵菴之規矩典則敷暢無涯元清河之出入秦漢揭文安之高文典冊敘事嚴整黃九夏之俯仰雍容歐陽圭齋之

多識淹貫風度宏遠在下位者若柳道傳之涵肆演迤吳立夫之
嶄截雄深類難勝數其推服甚至而近世乃有謂元無文者吾不
知其爲何說也又謂善立言者博觀往蹟証以今日天下國家民
生風俗世變之故將明道經濟必非古人宿物可以假用則吾人
學術議論與世變爲補救必有前人所未發者讀此可以知先生
爲文之旨矣上高李祖陶撰

南庄類文錄目錄

卷一

興說上

興說中

興說下

春秋四傳異同辨錄首段

趙盾論上

魏元忠論

狄仁傑論

韓琦

范仲淹

歐陽修

與族祖造侯先生書

答涂于岸論傳習錄書

與高守村書

上尹制臺書

答道源書院山長黃思亭書

答顧總河書

卷二

京口浚河紀畧序

蘭陔圖序

雷貫一文集序

劉蘭谷文集序

立堂詩稿序

匡遊草序

涂贊皇今文遺稿序

黃岷雪文稿序

送方靈臯先生歸江南序

送陳生序

遊玉簫泉記

龍溪黃氏節婦碑記

光祿大夫太子太傅文華殿大學士兼吏部尚書加五級贈
太傅朱文端公墓誌銘

南庄類稿文錄卷一

廣昌黃永年靜山著

後學上高李祖陶欽

興說上

新昌漆象曾念

特立乎一世之謂興○此○世○之○興○也○創所未始有之謂興○此○創○之○興○也○孟子曰豪傑之士雖無

文王○此○文○王○之○興○也○猶興○此○猶○興○也○後世道衰學絕士莫有以豪傑自待○此○後○世○道○衰○學○絕○士○莫○有○以○豪○傑○自○待○昧明矐聰蒙頭局

知○此○知○之○興○也○潛○此○潛○之○興○也○潛○此○潛○之○興○也○勢○此○勢○之○興○也○勢○此○勢○之○興○也○詹○此○詹○之○興○也○詹○此○詹○之○興○也○懨○此○懨○之○興○也○懨○此○懨○之○興○也○蠅○此○蠅○之○興○也○蠅○此○蠅○之○興○也○蠅○此○蠅○之○興○也○蠅○此○蠅○之○興○也○生○此○生○之○興○也○死○此○死○之○興○也○於○此○於○之○興○也○甕○此○甕○之○興○也○盎○此○盎○之○興○也○斥○此○斥○之○興○也○鷁○此○鷁○之○興○也○翔○此○翔○之○興○也○翔○此○翔○之○興○也○衣○此○衣○之○興○也○被○此○被○之○興○也○土○此○土○之○興○也○偶○此○偶○之○興○也○而

病○此○病○之○興○也○夫○此○夫○之○興○也○垂○此○垂○之○興○也○道○此○道○之○興○也○也○此○也○之○興○也○真○此○真○之○興○也○志○此○志○之○興○也○不○此○不○之○興○也○立○此○立○之○興○也○真○此○真○之○興○也○氣○此○氣○之○興○也○不○此○不○之○興○也○生○此○生○之○興○也○光○此○光○之○興○也○嶽○此○嶽○之○興○也○之○此○之○之○興○也○靈○此○靈○之○興○也○至○此○至○之○興○也○是○此○是○之○興○也○而○此○而○之○興○也○弗○此○弗○之○興○也○章○此○章○之○興○也○聖○此○聖○之○興○也○言○此○言○之○興○也○至

是○此○是○之○興○也○而○此○而○之○興○也○無○此○無○之○興○也○用○此○用○之○興○也○噫○此○噫○之○興○也○非○此○非○之○興○也○一○此○一○之○興○也○朝○此○朝○之○興○也○一○此○一○之○興○也○夕○此○夕○之○興○也○之○此○之○之○興○也○故○此○故○之○興○也○矣○此○矣○之○興○也○且○此○且○之○興○也○夫○此○夫○之○興○也○木○此○木○之○興○也○斲○此○斲○之○興○也○根○此○根○之○興○也○弗○此○弗○之○興○也○萬○此○萬○之○興○也○火○此○火○之○興○也○絕○此○絕○之○興○也○膏○此○膏○之○興○也○弗○此○弗○之○興○也○揚

人才○此○人○才○之○興○也○息○此○息○之○興○也○其○此○其○之○興○也○種○此○種○之○興○也○弗○此○弗○之○興○也○興○此○興○之○興○也○古○此○古○之○興○也○之○此○之○之○興○也○善○此○善○之○興○也○興○此○興○之○興○也○者○此○者○之○興○也○如○此○如○之○興○也○春○此○春○之○興○也○氣○此○氣○之○興○也○爭○此○爭○之○興○也○華○此○華○之○興○也○戰○此○戰○之○興○也○士○此○士○之○興○也○鼓○此○鼓○之○興○也○朝○此○朝○之○興○也○勇○此○勇○之○興○也○憂○此○憂○之○興○也○雲○此○雲○之○興○也○濕

天○而○其○道○一○曰○志○次○曰○氣○次○曰○才○次○曰○力○何○謂○志○志○也○者○神○明○之○
所○之○深○而○力○立○萬○物○之○表○而○無○形○行○天○潛○淵○貫○乎○百○世○上○下○而○無○
紀○極○不○用○之○則○荒○散○用○之○則○憂○并○用○之○則○堅○銳○莫○敵○越○王○勾○踐○破○
吳○漢○武○取○馬○大○宛○使○移○其○精○銳○用○之○於○正○大○鬼○神○且○辟○其○鋒○無○弗○
成○無○弗○遂○也○故○志○莫○強○於○斷○然○而○緩○所○以○用○其○銳○下○所○以○增○其○高○
虛○所○以○防○其○盈○堅○所○以○忍○其○苦○而○要○於○成○何○謂○氣○孟○子○曰○我○善○養○
吾○浩○然○之○氣○項○王○氣○蓋○世○朱○徽○公○豪○氣○蓋○九○州○故○排○危○撓○孤○非○氣○
不○立○不○固○性○命○之○要○眇○道○德○之○崇○閎○三○才○之○博○且○奧○古○今○世○變○升○
降○經○術○事○功○文○章○之○魁○奇○雄○駿○也○明○之○形○之○涵○之○負○之○纏○之○填○之○

攝之而星羅州次經經緯緯而不可亂也運之鎔之如規魄行如
歐冶鑄無有壅閼停滯也若是者氣一弗至則頽敗萎薶如棟腐
壤朽不能支旦夕礪鈍以英立煥以剛擴隘以宏韜光以晦黃河
行萬數千里橫絕宇宙洪厓立萬仞俯臨邱垤其氣然也昔者禹
治水天下崩潰四出疑無所措手足禹則一一有方畧次第以使
之由於地中行所無事疏之導之滄之排之鑿之決之掘之注之
入之滙之緒之陂之故八年而功成今百家紛綸正道壅鬱羣表
眩指亂俗橫流攻讎戡定剪榛棘披雲蘿使天晶而日明康衢出
而四達疏通條貫皆必其有方略次第而後可不勞而理故出吟

惟才如是而終之以弗息之力強弩之末不能貫魯縞行百里者
半九十爲山虧一簣故又貴善持其終四者闕其一未有能濟者
也而志爲之基譬諸木志植其本氣茂其幹才暢其枝發其華力
竭其實本不值則幹枯而枝萎華息何有於實故志定而蓬蓬然
勃勃然如駿馬馳如怒水決如此而氣張而才駛而力旺矣蠹賊
木欲蝕志輕錄氣雜耗才惰皆力故君子又防其弊嗚呼大賢君
子之不世出也久矣道德之興也無翼也矣循吾說而進之其有
起乎

筆筆高古不羣節節勁險有力似叔子集中學漢人文字雖未

入神而力去陳言亦可謂戛戛乎難矣。士生輓近習於目見耳聞未有不隨波而逐流者不隨波逐流卽非之刺之不以爲狂卽以爲妄藉非天挺豪傑焉能與哉讀此文可以岬然而自奮矣

興說中

漢以來禮廢樂弛。六藝出於焚餘斷脫。先聖之道塞而天地正大。磅礴鬱積之氣間有所鍾。二帝三王羣聖人之業。學者猶有尋逐。

上篇言興之之法。此篇論能興之人。

故漢氏之能興者。司馬遷興於史記。董仲舒。孔安國。劉向。楊雄。毛萇。鄭元。興於經。東京而嚴光。始以其清風峻節興。繼此而郭泰。李膺。陳蕃。范滂。遂興於激揚清濁。矯矯尚名義。三國崩分。諸葛亮以忠義。王伯之。畧興蜀漢。魏晉六代。士皆莫能興。中國無君臣上下。父子禮義。衰夷狄橫。士尙跼蹐。崇浮誕。習老莊。滅周孔。嗜利無恥。而陶潛則以其高隱興於晉。宋王通以教授興於隋。皆能興者也。

至唐而孔穎達、賈公彥又以經義興。韓愈以古文原道，闢佛典。宋歐陽修以聞韓氏之風而興。五代凌遲，風衰義絕。范仲淹、大興名節，作宋士氣。由是而興者有胡瑗、有李覲、孫復、石介，而周子、程伯子、叔子、張子、朱子，乃以聖道興。一時邵雍、司馬光、羅從彥、李侂、陸九淵、張栻、呂祖謙、陳傅良，亦皆興。宋亡而文天祥、謝枋，得以死節興。由宋以前遞興遞廢，士或興矣，而道病未大明。至宋而後，海內並興於正學。黃幹、真德秀、許衡、姚樞、吳澄、金履祥、許謙、吳萊、黃潛之，屬繼繼繩繩，雖勲業未大顯於時，道德未盡比於數子，而人才經術之盛，浸浸乎軼前代而配二周也。且數百年，初明宋濂承中。

原文獻以鴻文碩學興洪永而降耗矣薛瑄胡居仁又聞朱氏之風而興王守仁有崛起之才而病於道由漢而來千有數百餘歲相望也是數十君子者或著之文章或顯之行事或蘊之道德或功著一時或澤及百世或創所未始有或恢起前烈要當天地晦冥斯文剝喪歇絕之秋而以其獨力爲於舉世之所不爲桂狂流障萬川破鴻蒙開羣瞽其精神視四海爲閭闔古今爲宵旦斷於確然之志成於終身之力而炳著於天下後世蓋扶輿之全氣必有所洩而斯文之靈肇於人心且憑依之以爲壯剝之上九曰碩果不食詩曰風雨如晦雞鳴不已當此時也有大力者以挽維之

則天地息而復萌。日月晦而復明。人物閉而復出。無大力者以挽
維之。淪胥滔滔。譬彼舟流。孰知所屆。魏晉六代之世。可以觀矣。子
昂曰。前不見古人。後不見來者。念天地之悠悠。獨愴然而涕下。悲
夫。余仿自漢以下振古之士。而可以扶衰立懦者。於文章曰司馬
遷。曰韓愈。曰歐陽修。曰宋濂。遷孤鶩闕視其氣吐內千載。天漢之
世一人也。愈於元和。修於景祐。皆負蓋世之氣。爲斯文中興。濂遭
時會。功在制作。於事功行誼。曰諸葛亮。曰范仲淹。亮有君子之道。
仲淹修賢者之操。於道德曰朱子。集羣儒繼絕業。開無窮大而精
深。閎而無外。漢以下未有也。蓋學莫要於知性。而事功行誼文章。

○以宋濂○稱韓歐○傷其○服孔

必有其本。而非氣昌而力盛。俱不能明道。以有爲選。以下所爲有取也。嗚呼。由漢以來。千有數百餘歲。相望者如斯也。蓋三代以降。士風莫盛於東京。而正始敗之。學術人才莫隆於兩宋。綿延至於初明。降而遂息。其興其喪。所從來遠矣。

前幅用數十興字。倣昌黎送孟東野之用數十鳴字。中間一段最有力。

○興說下

或曰。蒼。羅。生。而。芷。蘭。亦。長。合。浦。之。珠。玉。河。之。玉。代。產。海。內。億。人。
之。眾。謂。無。軼。倫。之。才。吾。不。信。也。然。則。何。爲。其。興。之。難。與。曰。勢。之。所。
趨。重。與。其。積。深。不。可。轉。也。今。夫。崇。山。之。壓。也。物。無。不。下。江。河。之。潰。
流。東。薪。莫。補。海。內。風。氣。之。翕。忽。擁。搗。勢。如。此。矣。其。驅。之。也。迅。疾。甘。
之。也。深。入。緘。縻。之。也。牢。固。而。無。少。隙。縫。月。引。歲。深。傳。染。癥。結。與。運。
俱。流。秦。人。生。子。而。腹。諸。齊。人。及。其。喪。也。父。母。乎。齊。人。耳。已。其。子。孫。
又。祖。考。齊。人。也。問。以。秦。人。不。知。也。其。見。見。聞。聞。者。以。爲。是。固。然。如。
此。矣。吳。民。長。未。滿。五。尺。驚。然。負。於。侏。儒。及。見。魁。人。侏。儒。大。怖。之。目。

以頂天夫誰不爲吳民之驚于侏儒乎又不爲侏儒之頂天乎魁
人乎今夫雷霆震而百蟄起禹負神力而拯滔天之溺沃土之田
以集節稷豈不亦秀實哉陸象山講義利聽者汗流泣下其興機
與君子遂如勢何自立而已矣

此首痛寫難興之故只是爲習俗所囿耳而格力亦勁

春秋四傳異同辨錄首段

吾治春秋左氏公羊氏穀梁氏胡氏四家言日據其恠迂踳駁拘牽附會牴牾與經旨相亂者稍爲折衷而闕其不可信已徧廢卷嘆也曰嗚呼六經獨春秋孔子所自作孟子敘堯舜禹湯文武周公聖人之業必曰孔子成春秋而孔子自言亦曰知我罪我其義邱竊取之蓋未嘗不自矜慎貴惜也當時七十子之徒道術莫醇於曾閔而文學莫盛於游夏聖人宜授之使卒業於此顧何以屬之正明游夏之徒且曰一辭莫能贊以轉授其弟子顧能發明之無謬於聖人之旨耶是聖人之春秋一再傳而已爲郢書燕說捕

風○捉○影○何○有○於○千○百○世○之○後○此○不○可○解○者○也○諸○儒○之○失○其○大○者○在○
於○學○不○得○其○統○宗○以○方○隅○之○見○求○聖○人○之○經○於○訓○釋○又○參○以○臆○見○
傳○聞○之○雜○出○故○多○不○軌○於○正○要○於○一○而○善○言○春○秋○者○惟○孟○子○後○之○
學○者○因○是○猶○得○有○所○尋○逐○彼○其○去○聖○人○之○世○近○而○學○得○其○统○宗○故○
也○嗚○呼○今○吾○去○聖○人○二○千○數○百○歲○之○久○識○聖○人○之○書○於○燒○焚○散○亡○
後○儒○區○區○補○綴○之○餘○其○文○字○篆○隸○屢○更○書○縑○紙○再○易○謬○訛○脫○失○附○
會○莫○可○究○詰○烏○從○盡○信○之○以○爲○皆○聖○人○之○舊○與○此○百○家○之○論○所○以○
尤○貴○於○深○思○而○慎○擇○也○故○善○治○經○者○莫○如○孟○子○論○王○制○封○建○井○田○
諸○侯○喪○禮○等○曰○此○其○大○畧○也○又○曰○吾○於○武○城○取○二○三○策○而○已○矣○意○

抑不獨春秋爲然矣。

此辨凡數千言分爲六條一條官爵名氏各以意斷使經義墮
雲霧者十有一二條憑虛橫出義例已而堅執遇不可通輒遷
就說者二十有五三條四氏之說俱無當經義者二四條事案
義例牴牾矛盾折衷其近情理者而闕其不可信者二十有一
五條無甚關於經義而牴牾矛盾存其不可信者十有一六條
將經誤讀強爲之說乖舛不可通者一而此段其總引也世譏
王介甫詆春秋爲斷爛朝報愚謂非詆也實深于春秋見其有
不可強通之處而諸儒必欲通之人各一說遂使此經如斷爛

朝報使得先生此段讀之當有以解其結矣傳平叔湘帆堂集
中有春秋論一篇專論弑君一案不可解可與此文並讀亦可
爲此文補遺

○趙盾論上

晉趙盾擅國自恣。剽悍猾賊。卒弑其君夷臯。後之論者。襲左邱明
公羊高穀梁赤三子之說。以謂盾良大夫忠臣。不幸而陷於弑。當
爲盾原。欲赦之。使不與諸賊臣逆子同科。黃子曰。嗚呼。是何言歟。
盾之罪。殆有甚焉。三子闇於大道。以其私見臆說。論聖人之經。蔽
一盾之罪。使春秋誅亂賊之心。不顯白於天下後世。而賊臣逆子
大慝之情。反有所遁。固不得而不論也。靈公固幼冲之君。盾則晉
世臣。襄公所任以托孤者也。今有人親挈其子。屬其友。爲之友者。
不愛護之。長養之。至於成人。已乃取而刃之。將豺狼犬豕。不食其

餘與凡爲戮人子者異矣。謂盾之罪尙可從末減耶。方盾之初欲廢夷臯也。襄公甫卒。穆嬴抱太子適趙氏。頓首於宣子曰。先君奉此子也。而屬諸子曰。此子也。才。吾受子之賜。不才。吾惟子之怨。今君雖終言猶在耳。嗚呼。襄以盾爲託孤寄命之人。盾視其君如土木之偶。顛倒之。惟我擲之爲泥。析之爲薪。亦唯我君死而旋廢之。廢之不可。不得已立之。旣立之。卒又弑之。世以盾爲非亂賊之尤。吾不信也。或者又謂盾之弑亦迫於靈公之不君。果於殺盾爲之操戈者穿也。盾惡在先有其謀哉。是又不然。夷臯之君臣固終不能兩全者也。而盾之所恃以爲腹心者穿也。河曲之戰。穿首阻軍。

謀既而盾討不用命者放胥甲父而獨庇穿復使之將兵用眾爲
無名之師以侵崇胡康侯曰桃園之罪其志固形諸此矣夫以夷
鼻之猜忌儼然親嘗爲盾所廢既長又偪於盾之擅國恣睢無忌
憚其心惡能釋然無怨於盾耶非特其心而已其平居形迹之間
必有以見其悲憤不能堪者而盾之機斂陰鷲知之盾之庇穿縱
穿而乘機抵隙以伺靈公者靈公不知之舉晉國之人且不知之
是以盾陰自固於必不可殺之勢而靈公日處於岌岌可弑之危
然則盾蓋謀之深矣且夫以盾之強殺七大夫一公子威福舉國
唯命而屠一驕稚之主猶反手耳故曰春秋賊臣之惡莫甚於盾

也。董狐曰：子爲正卿，反不討賊，吾疑非太史之言。果其言也，吾謂董狐亦不敢直犯其忌，安得爲良史？盾固大賊耳，又誰討耶？以是責盾，豈春秋所以誅亂臣賊子之義哉？吾故深揭趙盾之情，後之大臣當國輔幼君者，可以觀焉。

第三段筆舌可畏，其刺入處如出魏叔子手。

○魏元忠論

武太后廢中宗、李敬業起兵揚州、圖匡復、后遣大將軍李孝逸將兵三十萬討敬業。殿中侍御史魏元忠監其軍。元忠謂孝逸曰：「天下安危在此一舉。遂盡授方畧。敬業敗死而武氏之篡遂成。黃子曰：『嗚呼！元忠其可謂賊臣也哉！』武氏雖狡悍，然當竊國之始，慮人情惴惴，天下多有起而乘其釁者。其心尚有所顧忌而未敢肆。敬業死，益恣行而無所畏矣。是敗敬業益武氏以恣者，元忠之謀也。」
○藏○知○此○與○灌○嬰○爭○
當孝逸軍臨淮時，使元忠誠負匡時之略者，當以大義爲孝逸言。
烈○秋○東○公○不○足○爲○矣
武氏圖謀神器，毒害已成。唐之子孫將靡有孑遺。今以三十萬眾

破敬業功成將軍其能獨全乎將軍國之宗室宜以社稷爲念以三十萬眾正明大義布告天下匡扶王室山東豪傑憤武氏久矣必有投袂而起以相應者彼敬業固可收而用也如此則孝逸必從孝逸從而帥大眾下荆楚奉天子以還京師正告武氏之罪於七廟而黜之是一舉而唐有再造之業元忠孝逸爲不世之勲矣嗟夫元忠號知兵智畧輻輳獨無聞於諸呂灌嬰之事與乃計不及此而曰天下安危視此一舉夫元忠之所謂一舉者爲李氏乎爲武氏乎一舉而敬業敗則武氏可安枕而卧李氏不旋踵而滅此不待智者而辨之矣而元忠毅然成之卒至唐祚中絕毒流四

○只○一○語○點○出○在○他○人○必○以○此○立○案

海○謂○成○武○氏○之○禍○者○非○元○忠○不○可○也○或○曰○元○忠○雖○爲○是○能○必○孝○逸○
之○果○從○乎○曰○孝○逸○軍○機○進○止○皆○決○於○元○忠○而○安○危○利○害○之○勢○易○明○
孝○逸○豈○終○昧○然○矣○乎○曰○元○忠○負○文○武○大○畧○在○高○宗○時○論○議○侃○侃○非○
庸○眾○人○乃○甘○心○爲○武○氏○用○何○與○曰○才○智○者○君○子○所○以○濟○天○下○之○具○
而○非○識○精○而○義○明○則○不○能○以○持○正○而○但○爲○才○知○用○其○權○畧○幹○濟○飛○
揚○馳○驟○之○技○必○不○能○自○置○於○無○用○因○時○抵○隙○可○以○就○功○名○其○從○違○
順○逆○固○有○所○不○暇○擇○矣○元○忠○者○智○謀○有○餘○而○大○義○未○識○功○名○爲○志○
而○急○於○自○効○彼○以○爲○敬○業○可○破○武○氏○可○輔○而○功○名○爲○可○就○也○何○暇○
計○李○氏○之○存○亡○也○哉○荀○文○若○伯○王○之○佐○也○而○從○曹○氏○張○元○昊○昊○奇○

傑之才也。而甘心爲西夏用。士之昧於所從。怙才滅義。貽譏後世者多矣。嗚呼。可鑒也。

大意從灌嬰將兵與齊和而卒誅諸呂。悟出妙在中間。只用一點末言才知昧於所從。尤爲特識。

○ ○ 狄仁傑論

古○之○所○謂○社○稷○之○臣○者○其○心○每○有○所○甚○哉○其○量○常○有○所○不○可○闕○故○
能○遲○回○隱○忍○以○其○獨○力○維○挽○於○危○亡○絕○續○之○間○而○不○爲○急○功○之○計○
天○下○有○變○叫○呼○折○檻○挺○然○身○殉○謂○之○義○士○可○也○而○不○足○以○有○濟○夫○
惟○盡○節○於○包○羞○成○謀○於○用○斷○經○營○於○人○所○不○見○而○晷○然○收○效○於○一○
日○若○天○相○焉○非○人○所○與○非○天○下○之○至○神○其○孰○能○之○狄○仁○傑○在○武○氏○
之○世○可○謂○忍○矣○○一○字○所○集當○唐○祚○中○絕○唐○之○子○孫○屠○戮○殆○盡○其○時○奮○義○兵○圖○
匡○復○則○李○敬○業○高○瞻○遠○引○則○武○攸○緒○直○諫○則○洛○陽○民○蘇○安○國○折○慶○
之○之○奸○謀○倡○復○辟○之○正○議○則○李○昭○德○杏○瑱○諸○人○浮○沉○下○僚○則○宋○璟○

而仁傑覲然坐視。擯高位。從容職守。出入朝寧者十有五年。若忘
乎今之天下。非唐之天下者。從未嘗一言及於皇嗣之當復。武氏
之不可久據也。嗟呼。仁傑之知。豈遽出昭德諸人下哉。其心以爲。
時之未至。事不可以強。劫而力回。吾驟然與眾急持。彼武氏方恃
其機權。以驅策天下。其言必不聽。不聽則忌生。而患害隨至。奸人
乘之以固其謀。後雖可以言。而無由入。唐之大事去矣。故且委蛇
進退。外盡其行。已事上之誠。以潛消其猜疑。忮害之心。不爲非時
無益之言。以觸其忌。其他廷爭面引。凜然有不可奪之風。蓋召還
廬陵之言。未出。武氏之諫行。言聽久矣。其畏愛敬信。未有如仁傑

者也。然後乘機納牖，動之以天性，攝之以祖宗在天之靈，不數言而入於左腹。后遂嬰然曰：「還汝太子。」夫縱之十數年，操之於一旦，不動聲色，不煩羣力，從容帷幄之地，華唐之社稷，若探於囊而歸之。仁傑之用心，至是爲獨苦矣。是故古之負匡濟之畧者，無輕發發之而無不收，無妄爲爲之而必能成。昔者夏王相爲羿，逐夏臣靡，事羿三十年，及浞殺羿，靡竄伏有鬲，又四十年，乃收斟尋餘燼，卒誅浞，立少康中興。古之蒙難忍恥，沉幾俟時者如是也。悲夫！方加明嘆仁傑俯身女主，與三思易之輩握手交歡，呼盧蒲博時，豈不頑鈍無恥小人哉？蓋謂不如此，吾終身不可以得志，而唐宗社卒爲邱

墟何暇計吾身之潔清哉。迨於上下無間。趨召廬陵而廬陵復。欲
相束之而束之。相機若轉圜。而事若操券。易之昌宗。且復與有力
焉。信乎濟變之時。未可以子子之義爲也。孔子曰。小不忍則亂大
謀。仁傑有鑑於此矣。

其意在人意中而文特勁悍有力

○韓琦

宋史贊曰韓琦相三朝立二帝厥功大矣當治平危疑之際兩宮
幾成歉隙琦處之裕如卒安社稷人服其量歐陽修謂其臨大事
決大疑垂紳正笏不動聲色措天下於泰山之安其論美矣夫所
謂量者何也斗之量足以受升以斗受升其跡泯然斛之量足以
受斗以斛受斗其跡泯然推此而上量愈大其所受愈無跡天下
大物也惟其量足以相容而後可以治今夫天下有知而吾欲用
其明則知者退天下有才而吾欲用其能則才者退天下有力而
吾欲用其強則力者退是其於事也必無措其於功也必無成其

量○不○足○以○相○受○也○秦○誓○曰○若○有○一○个○臣○斷○斷○兮○無○他○技○其○心○休○休○
焉○其○如○有○容○焉○商○容○觀○周○師○之○入○而○知○周○王○曰○見○善○不○喜○聞○惡○不○
怒○顏○色○相○副○是○以○知○之○人○有○遇○猛○虎○當○前○而○不○動○色○被○蜂○蠆○之○螫○
而○失○其○度○者○其○神○明○莫○能○自○鎮○定○故○也○琦○於○此○度○越○諸○子○遠○矣○吾○
嘗○論○琦○在○朝○廷○似○泊○然○不○見○其○功○而○包○容○吐○納○春○乎○如○元○氣○之○運○
暖○乎○如○春○氣○之○生○及○物○而○不○形○其○迹○若○喬○嶽○之○雲○雨○河○海○之○潤○澤○
一○時○之○賢○能○掌○故○文○學○皆○囿○於○範○圍○之○內○故○其○成○功○巍○巍○當○天○下○
之○大○任○居○天○下○之○令○名○受○天○下○之○大○福○而○無○殞○也○琦○遺○事○史○傳○多○
未○備○在○政○府○嘗○與○范○仲○淹○論○事○有○不○合○仲○淹○至○拂○衣○起○忿○形○於○色○

琦徐把其袂曰希文不容更商耶和氣滿容仲淹亦釋然歐陽修不信河圖琦與修輔政未嘗一言及易其平居寮案造次語言之間從容涵濡潛移默救有入人於不覺者況於朝廷之上乎或有謂琦相業無媿古人獨文學不逮琦曰吾爲相歐陽永叔爲學士天下文章莫大于是琦經緯天地用修潤色鴻業修之文琦之文也斯言尤可以見其所存矣賢者與賢者處時多異同其流遂至於分門異路紛爭而不已而較短絜長欲上人之心君子不免噫觀於琦人亦何所用其忿嫉何爲而不休容也哉此相臣之則也夫

特表韓公之量爲李德裕張居正輩痛下鍼砭以示萬世可也
○宰相不可以無才尤不可無量無才不能運動天下無量則
不能函蓋天下而朝廷之上日多事矣讀魏叔子趙鼎張浚虞
允文陳俊卿論可以見其得失

范仲淹

士無英偉冠世之氣不足特起於末流無痼癘天下之心不足澤
被於一世孟子曰我善養吾浩然之氣周敦頤曰志伊尹之所志
是志也氣也士之有振衰式靡之責者不可一日而無者也今夫
氣蓋一鄉則一鄉離離萎靡之習有所不能染氣蓋一國則一國
離離萎靡頹敗之習有所不能染氣蓋天下則天下離離萎靡頹
敗之習有所不能染惟其自立也高故所見也遠超然離異世俗
之中而卓然出於萬夫之上及其顯也天下亦翕然從之是故其
意念之所經營知慮之所擘畫身處蓬藿而有四海一身之任有

王公大人之事以爲其分內所當爲夫其未出眾日相接亦未由
闕之耳嗟呼觀於宋范文正仲淹士可不早自立也哉五季以來
風衰義喪士唯知苟榮貪位四維旣絕人紀淪亡宋而後頽風猶
是也范質王溥無論已冠準以命世之英方罷中書卽求使相已
復附會天書以圖干進蓋風俗移人賢者不免百有餘年於此矣
仲淹出而始勵廉隅振名節其取舍辭受進退出處斷然有所不
苟世俗所謂寵辱毀譽得失死生禍福利害浩然一無足動其意
天下之士聞范公之行惕然始知有恥而爭趨於名義之重宋之
風俗爲之一變非其氣之清明剛大烏能興之其自秀才時卽以

天下爲己任。飲食寤寐。惓惓皆經世澤物之心。其學自兵刑錢穀。水泉農政。職官邊陲險塞。無所不周。一旦出而用之也。皆取諸懷。而素具。始在憂中。遺執政書。極論天下事。他日爲政。皆不易其說。故其言曰。先天下之憂而憂。後天下之樂而樂。其言然。其行亦然。非所謂大丈夫之事歟。眞仁之世。賢相多矣。然功存於廟社。澤及於一時。若夫功在名教。道師百世。使天下聞風。頑廉懦立。微公其誰與歸。光岳氣偏。士風攸墮。下者懷溫飽。上者希名位。詩書用爲竿牘。道義假爲清談。後先相師。輪蹄一軌。古大人豪傑之志。事久絕乎斯人之夢寐。宜乎齷齪萎瑣頽敗而俱無覩也。儒者之言曰。

立○志○以○帥○氣○士○以○志○爲○上○是○固○然○矣○而○氣○之○所○賴○特○重○世○之○陰○足○
以○賊○吾○氣○者○甚○多○人○之○生○也○資○非○大○賢○清○明○之○氣○受○於○天○也○無○多○
入○世○以○後○污○濁○橫○流○變○潰○衍○溢○不○能○固○存○其○清○明○者○其○人○已○上○絕○
於○天○隨○波○逐○瀾○沒○身○而○已○安○望○其○能○自○樹○立○也○哉○吾○故○因○論○范○文○
正○公○之○人○而○及○此○士○之○有○志○者○可○以○省○矣○

以量許韓以氣許范讀此二論先生之爲人可想見矣

○歐陽修

甚矣文難言也。規竊聲響。模仿形貌。以爲是文焉爾。而不知有本焉。昔孔氏之門。文學與德行。政事並列。爲科夫能溯洙泗文學之門庭者。雖所至有淺深。境地有廣狹。而要始可與於文。其源有所自出也。是故其學必詩書六藝。其道必明體而適用。克之於心。體之於身。峻厲而和平。輝光而薦實。其在於朝。則昌言足以明道。經術足以經世。於是發爲制作。薦諸郊廟。達於天下。以鋪張鴻業。黼藻太平。此成周漢京之所爲盛也。夫聖人之道。豈不用文。所謂文者。如是焉可已。三代而下。若漢董仲舒。廷對言天人。唐韓愈論性。

道皆不悖於孔氏者也。五季而後至宋而歐陽子修出焉。其學以韓愈爲宗。而上遡於六經。官洛陽時與尹洙蘇舜欽倡爲古文。故其言曰。世無師矣。學者當師經。師經必先求其意。意得則心定。心定則道純。道純則克於中者實。中克實則發爲文者輝光。施於事者果毅。三代兩漢之學。不過是也。修之學於是。可以見矣。其通政司轉對書。擘畫天下利害。瞭如指掌。時年甫逾三十。而相天下之畧。已具。遭時隆平。受知人主。自一邑一郡以至輔政。其利澤在生民。勲名在廟社。其進退去就。言論風采。守正而不過於激。和平而不至於阿信。所謂心定道純者也。其文指事抒情。狀意肖物。燦若

春生溫踰良玉所謂措之典謨而無媿質諸三代而不疑修庶幾焉嘗以謂宋之治運溫厚而文明惟歐陽永叔之文絕似之儒者以其心手所抒發宣一代之正聲可與國家治化相參斯爲至文矣旣而拔曾鞏二蘇於貢舉數子者繼之而宋之儒學大闡文益昌且明然鞏質勝於文軾文過其質王安石則失之狹亦各有短長視修固不逮焉嗟夫世有紹董韓歐陽之緒言爲之振興倡道於斯世者乎非夫取青媲白倂矩背規翹翹然命於人曰文士也命爲文士固知其無與於文者也吾非輕訾夫世之言文者也異夫世之文宜識夫康莊之衢無至絕於孔氏之門庭也已

篤論爲歐陽子深探本源卽爲天下後世人開闢正路

○與族祖造侯先生書

士○之○能○卓○然○自○立○成○天○下○之○大○功○辦○天○下○之○大○事○者○惟○其○氣○之○磊○
落○奇○偉○足○以○勝○之○是○氣○也○命○之○於○天○受○之○於○其○所○不○自○知○不○可○以○
強○而○有○然○未○始○不○可○以○學○問○克○養○而○致○嘗○覽○前○代○鄧○禹○年○十○三○卽○
識○光○武○爲○非○常○人○後○杖○策○謁○軍○門○數○年○之○間○遂○定○天○下○大○計○范○仲○
淹○自○少○時○卽○以○天○下○爲○己○任○故○其○言○曰○先○天○下○之○憂○而○憂○後○天○下○
之○樂○而○樂○而○程○伊○川○年○十○八○上○書○闕○下○自○期○以○王○佐○張○子○厚○亦○年○
十○八○上○書○范○文○正○公○慨○然○以○功○名○自○許○此○古○人○生○而○特○達○俊○偉○其○
氣○傑○然○有○以○舍○蓋○乎○天○下○視○王○公○大○人○之○事○皆○爲○吾○分○所○當○爲○是○

其得之於天。有以大異於人者。下此。則不能無學問。以自克。以古
人爲必可期。而不自蔽於卑俗。親明師良友。以砥礪其實用。使吾
之才。卓然爲有用於天下。飢寒勞苦。不稍自貶損。不使吾身有幾
微玷缺。以自敗其名節。如此。而其氣固浩浩乎。其有以目壯矣。而
又沉深掩抑。平時循循若一。無能爲。則一出而可勝家國天下之
任。故曰。不可以強而有者。未始不可以克養而致。永年生十有九
年矣。其才質鄙薄。固不敢望古人之萬一。然其心亦有不甘自棄
者。去歲偶得范希文集讀之。觀其文章氣節。欣欣然想慕其爲人。
嘆其流風遺範。足以振興百世。而自恨索居鮮助。無良師友朝夕

相與砥礪。恐遂頽惰。不振拔。念昔數十年前。理學則有程山。文章
經術則有易堂。皆在數百里間。生同其時。或可負笈從遊。得其論
議。以相激發。不至如今之悵悵然。無所適從也。豪傑之士。雖無文
王。猶興。次則有賴於師友淵源之益者。正不淺。伏惟叔祖先生。學
博而詞深。行端而貌古。如永年之年。已遂得從程山易堂諸先生
遊。其偉言宏論。足以增長人志氣者。先生固已心得之矣。永年雖
不敏。敬洗滌心志。願奉德音。惟望賜之教言。勉其成立。韓愈云。是
二人者。未始不相須也。以永年之惓惓於先生。先生倘亦以永年
爲可教而辱教之乎。

氣分兩層而講學間克長處尤有條理可與魏叔子與李作謀
書並讀

○○○答涂于岸論傳習錄書

前接教以連日體中不佳未遑裁答擬遲數日得相見面盡洛下
新安金溪姚江五六百年出奴人主聚訟若麻僕固未能虛勦舊
說徒騰口語得罪姚江并得罪新安以是未敢形諸紐墨清晝掩
牕兀坐回視十年瞬息如此虛擲爲已爲世茫若捕風總坐志力
不强根器不固一木不支將大厦壓墮故於此道愈未敢開口向
人而吾兄識趣清明遠大如此百尺竿頭更進一步其爲向往當
復何如又安能默默也聖學庭戶數百年儒者口稱筆述已不勝
其煩然其要莫若求諸四子宋明大儒皆自此出今未暇刺刺辨

其○同○異○惟○虛○心○切○己○游○意○於○此○心○源○脉○理○一○一○可○証○存○之○於○中○疏○
○倚○傍○四○子○聖○脈○諸○家○
 通○明○達○體○之○于○身○篤○實○和○平○更○以○是○達○之○六○經○下○觀○由○漢○以○來○千○
 數○百○年○儒○者○學○術○事○功○文○章○醇○疵○是○否○得○失○斯○道○晦○明○絕○續○天○晶○
 日○明○洞○若○觀○火○孰○爲○正○正○堂○戶○孰○爲○分○門○岐○徑○當○無○俟○辨○而○明○先○
 儒○所○謂○其○學○在○我○也○酸○醎○雋○美○難○喻○異○口○風○痺○疾○疢○難○喻○異○體○望○
 海○者○必○求○航○與○楫○爲○工○師○者○必○由○大○匠○繩○墨○二○百○餘○年○誦○言○攻○陽○
 明○者○如○同○時○羅○整○庵○近○代○陸○稼○書○皆○自○切○己○學○道○躬○行○實○體○中○得○
 而○張○子○之○訂○頑○朱○子○之○仁○說○鹿○洞○之○學○規○條○目○則○尤○向○洋○之○指○南○
 公○輸○之○規○矩○舍○是○則○斷○潢○絕○港○耳○陽○明○聰○明○氣○魄○凌○鑠○古○今○縱○橫○

顛倒無施不可。天泉一譚。尤其要旨。來教謂無善無惡心之體是
就心之體段而言。與公都子稱引或人之旨似不同。心之體既無
善。然則心管領何事。善不屬心。體然則善更何在。心無善。是無性
也。無性是外義也。只此一句。已是大本差却。與所謂道心所謂性
性所謂秉幾所謂大本所謂性善。既皆不可通。諸經孔曾數子宋
五子之言。更無王氏此等說也。更以橫渠心統性情語體之自見
疎密。大學古本。惟近日安溪之說。庶幾不失孔曾遺矩。拈出知本
誠身二義。卽於首章知本。見申明格物致知之義。蓋格物卽物有
本末之物。下言修身爲本。此謂知本。眼目再見格致之功。要在知

本○知○得○身○爲○家○國○天○下○之○本○便○是○參○天○地○胞○與○民○物○本○領○道○之○大
源○已○煞○分○明○故○曰○此○謂○知○之○至○也○下○卽○從○誠○意○說○去○以○格○致○之○義○
本○章○已○盡○也○如○此○更○不○必○易○纂○本○文○分○別○經○傳○別○補○傳○義○而○先○聖○
明○誠○要○領○知○聖○始○終○條○理○之○功○顯○若○畫○一○盖○始○學○知○行○本○齊○着○手○
非○截○然○分○先○後○而○交○養○互○發○亦○無○判○然○不○相○爲○通○此○卽○知○行○合○一○
但○必○兩○脚○竝○進○故○右○知○而○左○行○若○王○氏○所○謂○格○致○卽○是○誠○意○與○博○
文○卽○是○約○禮○性○精○卽○是○格○一○明○善○卽○是○誠○身○以○此○爲○合○一○似○將○聖○
言○恣○才○凌○駕○驅○迫○就○我○節○次○稍○凌○卽○恐○工○夫○未○得○廣○大○周○遍○且○於○
文○義○亦○有○難○通○謂○誠○正○卽○是○修○齊○修○齊○卽○是○治○平○可○乎○易○言○學○聚○

問辨寬居仁行。論語言知及仁。守學思中庸言擇善固執。博學審問。慎思明辨。篤行與大學條目皆是平排次第。纍纍如此。則來教所謂誠意是大學入門第一關。始學始從此入。似未爲得。而王氏格致卽誠正之說。其于古本亦不審矣。此在高明虛心求之。自見分明。不當更往復執筆縷縷語無端緒。

首段言爲學須求諸四子體高神遠最爲卓絕。中後兩層辨駁亦如斧以斯之論學之書最嫌有平緩猥冗習氣。似此磊磊明明真是得未曾有。

。與高守村書

丙午豫章卒然分手。足下試春官。被寵遇。遂奉

天子明命。試宰百里。涉江漢。歷楚黔。踰萬餘里。而極南。此雖邊徼

荒服。繁會異中都。而吾守村才氣之俊軼。識度之優敏。亦未足以

盡所發舒。然書生繭蹴。瞬息馳驅。爲此亦豪矣哉。三年間。關河迢

遞。不接音問。丁未秋。曾於鄧君處。寄一緘。并拙撰匡游詩序一篇。

遽中想郵至。比接陶道坦自京師書。知得邑平穩。風土便安。殊慰

遠懷。弟昔年爲諸當道推轂。當此旁求之日。海內毫毛絲髮之才。

竝承即吾斯之末能意詔踴躍。誠不宜自廢。然自揣資力。問學尙可自進。未敢以

淺薄遽幸盛明屢次引疾始得還里讀書著文近亦數十萬言殫
吾十年之力迫強仕之年未晚也鄙趣不能一一爲吾守村道然
在守村可不須更道也騷壇袖領近興何如陽春孤唱不寂寞否
而六詔之地疆土阨塞與凡前代蠻夷君長所以跳梁率服及今
國家威德隆盛邊陲綏輯天休滋至者公餘之暇能一一收掇備
窮居者之採剝否晉公子羈珂十餘年遇人時苦推鈍而治兵中
原鞭弭櫜鞬與君周旋忽吐英氣夷吾作內政寄軍令然後懸車
東馬刺令支斬孤竹書此聊發萬里外一噓而已岱巔華頂何日
踞坐撫掌躊躇夙願也此函自新城屬陶篤三轉自京師郵至天涯

兄弟離思無任惟努力自愛

讀結段想見先生神采英毅旁若無人

○上尹制臺書

人日辰刻拜辭釣座、卽便回轅、越日抵署、見父母祇述大人每見存問之盛意、喜動顏色、私心感佩、不可言喻、某惟有敬共職守、不欺夙夜、以副憲德、京口轉漕三四日間、渡江已四百餘舫、徒陽壇三邑重運已盡數出口、常州亦已過三幫、正初旬日之內、重運過江、歷年未有便利如此者、催漕人員僉云、雖係東南風便、實亦運口改移之善、此皆大人明聽採納下情、故地方百度無不蒙庥、常府調任一事、某非至江寧不知列郡眾口一詞如此、面請憲訓、蒙諭尙屬未定、某幸在未定、得以盡抒下悃、若已定則無及矣、毘陵

領邑八屬較之京口增倍而治辦易於京口此一轉移非徒美觀
又屬善地鎮府疲敝官無治事之堂內宅數椽風雨不蔽常府高
堂廣廈列屋桓桓兩郡養廉竝無加多且奉明詔揀調出
於通省之一人考語必有美言此皆外吏所求之不可得者況職
在屬郡東西南北惟命之從是於人情既不必辭於分又不得辭
而某願名思義就通省知府之內獨某爲萬萬不可膺此調者曰
前常州之案兩院會疏曰商之撫臣交與鎮江府黃永年查審又
曰鎮江府審據各情歷歷如繪是常府之參劾事盡發於鎮江之
審訊夫發人之奸私而卽代其任雖奉命自上而自顧亦何以對

○先○生○其○身○以○此○自○居○乎○
百姓御屬僚其跡乃大類周邦政之所爲設有以此相議者將置
一詞自解亦污口矣前歲蒙恩拜郡平涼以親老缺遠義不可
以之任欲具摺呈情而乘輿東巡已出友人皆促其之官以爲
無容置喙而義所不可獲罪弗恤卽拜疏行在叨蒙聖慈得
允所請然則今日之事竭誠陳悃於大人之前諒無不蒙鑒察况
知愛如大人惟恐某在官少有疵玷不獲成全豈有必置之嫌疑
之地况此事又屬大人爲之主乎某守京口歲餘蹇鈍百不如人
惟此拙誠早夜矻矻疏列地方條件逐一料理辦事斷獄之外別
有意旨欲與僚屬百姓漸磨親感需之歲月未知何如蒞任之初

默默自程期已三年當便乞恩引退奉親歸里今已歲餘倘一
遷移義不可居卽不敢需之三年可止而止然自眾人視之反似
有辜大人獎與之德而忽蹈自棄之罪某所以反覆計之愈益有
不安也語曰士詘不於知己者而伸於知己者前進見時言未
盡意爲此復具稟揭盡陳愚悃伏惟大人憐而鑒裁之

此辭甚合而所以不欲離鎮之故用意尤深

○答道源書院山長黃思亭書

某頓首白道源山長先生執事。前年廖生過京口，接來教，暨院中諸子書，竝尊撰雲章亭題名記，翠庭先生書院訓言序等篇，反覆展誦。太守游公扶樹教道育才之雅化，先生之教思，諸生之被服，勿諉甚盛，甚盛。此豈易得之今時哉。來教云：諸生僉議將爲構堂，屬某先爲撰記。當時以初抵京江，百度難冗，未遑作文字。尋以鄰邦多故，始而兼攝，旋復遷調，訟獄繁興，奸宄雜糅，爬搔鎮伏。期年而後定，以至來書，久未能奉荅。去夏廖生復來，抱病伏枕，席未能繼見，私心負疚，無由自達於左右，願於嘉命，未嘗敢忘。不知能諒。

此否也。今年秋乃少有間隙。師門故舊所屬多先人碑板文字。日積既久。擇其先後稍稍撰次。再讀來書。就欲下筆。含意反覆文字之作。必據於事。講堂尙是欲爲而豫撰文字。有難於立言者。以此躊躇不審。見已構成否。或別有可以書。不必待時者。當更請示也。道衰學廢。斯世何日無公卿。何地無貴人。顯者而賢人。君子或數千里。或曠世而不得見者。豈非以學之不講之故乎。前蒼靈畢先生書。以世間一讀書種子。一人物種子。二者不可一日不畱於天地。有之無限好事。皆從此出。此種一斷無由萌芽。斯世心思耳目。俱畏待於何時。方續得上乎。念此真怵惕也。欲餘此種舍先聖義。

理之學何由。昔人薪盡火傳。皆是源源如此。道源諸生。必有卓然
望古。以前賢自樹立者。豫章之材。始於萌芽。賴賢場師爲之別識。
護養耳。某非有怠於文也。略陳鄙衷。以俟後命。游公希爲致向往。
并謝院中諸子。翠亭時通書問。思太母屢欲歸。然時未可以請。切
止之。某再拜。

後段真剴切。高言讀之。亦令人怵惕。

○答顧總河書

去年夏奉札示獎許逾分、惶然增愧、悚、當時以再觸罪罟、不敢卽奉書左右、管荀小學書、卽已轉致是君、且屬其先報命、負罪何可言、閣下質行內脩、誠信外孚、修於身而施於事者、皆輔世立教之大、蓋今之范文正、司馬文正、是已、某私心嚮往日久、且誠前者守京口時、閣下視南河、旌鉞臨江、始得晉見、一仰閣下輝光之盛德、睟乎其容、旨乎其言、且於某若素蒙知焉者、其後閣下移節撫兩浙、一再經毘陵、某時遷調於此、復得繼見、然某是時爲郡、已漸朽材、柄鑿士之遇、有不齊、有遭逢特達、躋位卿相、得行其志於一時、

者有一官蹉跌。坎壈阨塞。終其身者。又有橫被謗傷。晦蔽一時。事
後久之。眾始共見之者。是則皆命也。古之所謂賢人志士者。惟其
常行有不可得而易焉已矣。故曰。禮義之不愆。何恤於人言。君子
不爲一世之匈匈而易其行。孔子曰。眾之所好。必察焉。眾之所惡。
必察焉。眾口鑠金。積毀消骨。信乎其必察與。察焉。命也不察焉。亦
命也。某愚瞽背戾。不識時趨。妄謂守官行己。自有法度。在於眾中。
已成異類。嫉惡之性。不能不發於其事。久之。事會橫生。奸吏乘間。
朋作蜚言。木強無知。惟知自信。既罷而復。力求引退。大府引古義。
相責。未敢固拒。暫且受命。羣奸懷懼。更爲搆陷。在於一身。亦其愚

譬○自○致○之○禍○害○今○不○以○其○身○爲○時○之○摧○傷○遂○自○疏○外○晦○默○欲○進○所
懷○於○閣○下○亦○欲○大○君○子○知○其○於○常○行○不○敢○有○墮○焉○已○矣○某○鈍○拙○無
一○能○惟○粗○知○慕○好○古○之○學○問○持○志○程○躬○攻○慝○去○昧○皆○取○諸○此○鄒○魯
以○來○迨○於○宋○元○前○世○聖○賢○儒○者○之○志○業○矻○矻○然○慕○而○爲○之○者○弱○冠
至○今○亦○有○年○所○審○端○徑○術○常○抱○無○窮○之○志○入○仕○廢○學○未○免○弛○隳○幸
今○罷○閑○得○以○追○尋○嘗○嘆○古○之○君○子○憂○不○學○無○術○後○之○君○子○能○不○學
有○術○古○之○君○子○患○經○而○不○濟○後○之○君○子○喜○濟○而○不○經○是○亦○人○心○世
道○所○攸○繫○也○某○居○郎○署○十○年○無○能○自○樹○立○孤○拙○之○性○涼○涼○獨○往○未
能○有○交○親○比○附○居○窮○久○約○一○錢○之○利○未○敢○與○人○交○此○諸○生○素○守○之

常節○今顛顚困辱至此○粗知義命○可安○將求一畝之地○於寂寞之鄉○結草灌畦○竭庶人之力○以養親于世○不復相聞○獨念受閣下之知○愛獎教○經年而後○拜書○不略布所懷而去○其於事大人長者○不盡其誠○伏惟裁察焉○

後幅數語刺骨○先生可謂能言○先生此類書○凡數篇○皆罷官後斤斤自辨白者○頗與震川集中書簡相似○甚矣官非儒者所能爲所宜爲也○

南庄類稿文錄卷二

廣昌黃永年靜山著

後學上高李祖陶欽之評點

新昌漆象曾念菴校刊

○京口浚河紀畧序

明史○運河志○謂京口閘底○與虎丘浮圖頂平○蓋江南運河上流之
極○水西入江○東下常蘇○若建甌○易洩以淺○潮灌渠盈○其涸也泥淤○
以○甚○高○易○洩○之○水○處○日○淤○之○勢○而○歲○轉○南○漕○四○千○巨○舫○當○海○內○漕○
數○之○半○晝○期○抵○淮○毋○許○後○時○前○代○猶○有○孟○瀆○德○勝○新○河○諸○河○以○分○
其○運○而○後○乃○一○出○於○京○口○是○河○所○係○之○重○且○大○何○如○哉○
國○家○設○

水利官。歲歲濬治。越六年。一大濬。以爲例。費帑金無算。乾隆十六年冬。永年出守京口。至則值漕舫回空。南下河流阻淺。水利倖奔走旁午。蓋去大浚踰年耳。其歲倖弗戒於職。又縣東五十里。坍山廢壤。大隔塞河。幾悞漕。永年從監司黃公宿河干。多方調度。僅而獲免。事已。永年乃請於制府以入。告得發帑大興。徒卒移壤治渠。又舊運河口廢壤。新口當江。潯湍急。漕弗利涉。亦併修治。率復其舊。而今年春三月望。兩浙四府之漕悉浮江北去。無少阻者。京口之人云。近歲未有也。時余已遷守毘陵。以去。蓋是河所係之重。且大如此。其治之綦難如此。永年嘗竊以謂。今之治河。凡以爲漕。

也。漕常不以病河。而河足以利漕。則河漕均利。今治徒陽運河。要
當計全河形勢。不當但視京口一處。明正德中。從督漕都御史臧
鳳。言。濬常鎮上下。裏河漕舟無阻者五十餘載。顧其方略。史弗傳。
今視京口形勢。謂挑河。遂能使深通利漕者。蓋未盡然也。然視挑
浚爲故事。而任之非人。滅裂苟簡。從事其爲河病。不亦甚哉。是書
公前二年。當大浚之期。制府督公治河。自京口至呂城百四十里。
工鉅役殷。公部署精嚴。五旬而舉。旣竣。次第其事。紀諸冊。率爲四
卷。巨細叢書。示永年。使序。後之人。率是而行之。永有利哉。乾隆十
二年中秋前二日。知常州府江右黃永年謹序。

治河當計全河形勢不獨徒陽運河爲然文亦凌厲有風力

○ ○ 蘭陔圖序

小雅鹿鳴至菁菁者莪二十二篇。皆作於文武之世。周先王治天下之道。備於此。而南陔白華孝子之詩。居其二。南陔序言孝養也。○ 奕○ 立○ 二○ 姑○ 作○ 竹○古未有離親數千里仕王朝者。若周公之舉衛康叔爲周司寇。冉季載爲周司空。宣幽之世。秦仲鄭桓爲周司徒大夫。皆以列侯懿親仕王朝。是南陔之孝子。蓋卽畿內之士。爲天子吏者。當國家隆平。休暇之時。出則服休服。采宣勞。王家入則致愛致敬。竭力子舍士之遭逢其世者。君親之際。何其幸歟。其出而有使命。往來恒不逾歲時。則又爲詩以敘其不遑將父不遑將母之情。使其以養親。

之情來告推之至於杖杜之還役亦念其王事靡盬憂我父母而不遺於戍卒之微賤蓋上之於下惟欲其能養如是惟恐其養親之心有不得遂如是況於孝子也哉次其詩於天保采薇以見周王之治其本在此也其時和樂忠愛之氣流通薰洽蟠固於君臣兄弟賓友故舊之間國家禮樂征伐百度時敘嘉魚黍稷萬物盛多王道大備福祿無窮而皆本於士大夫家庭父子之能盡其性而上能體之遂之也然則當其時有如後世之離親數千里仕京朝不得以養者視南陔其體之遂之宜何如而後世士大夫之離親數千里或萬里仕京朝不得以養者勢有不能不然而國家孝

治○之○意○許○其○以○私○自○陳○是○亦○小○雅○之○遺○意○也○吳○門○少○司○寇○彭○公○先○
是○乾○隆○十○年○冬○以○外○艱○居○里○卽○吉○後○念○太○夫○人○衰○年○起○居○不○忍○遠○
離○卽○家○拜○疏○陳○情○天○子○許○焉○公○官○京○師○十○餘○年○以○文○學○醇○德○膺○眷○
兩○朝○奉○使○持○文○衡○半○海○內○嘗○特○詔○乘○傳○歸○省○觀○矣○後○視○學○兩○浙○過○
里○門○迎○養○今○幸○得○所○請○也○乃○卽○所○居○之○後○爲○堂○藝○芳○疊○石○以○爲○太○
夫○人○娛○取○東○氏○南○陔○補○亡○採○蘭○之○辭○名○以○蘭○陔○又○繪○爲○圖○而○命○永○
年○使○序○永○年○於○是○推○繹○小○雅○之○時○義○以○謂○上○之○俞○公○所○請○公○之○
篤○養○而○得○爲○天○保○采○薇○之○孝○子○于○此○時○也○豈○可○謂○古○人○不○相○及○惜○
夫○南○陔○之○篇○逸○於○秦○火○之○餘○東○氏○補○之○徒○言○晨○羞○夕○餐○于○義○末○矣○

六月之序曰南陔廢則孝友缺矣其時南陔之辭未亡而其事則缺今實有其事卽謂南陔之篇至今存可也獨余乃今離其父母而羈於此序公是圖所爲憮然而不自克也

此題之近塵劫者獨拈出無數千里仕王朝一層遂爲本題加倍出力筆力亦古鬱絕倫

雷貫一文集序

農之穡婦之織陶匠梓與百工之藝事其利用衣食於天下無古
今異也士之學乃獨古異獨或不足以善身廣不足爲天下國家
之用者何耶士民之秀良者也學前世聖人所遞而傳焉者也乃
獨與古異并百工農女之不若豈孔子所謂苗不秀秀不實無亦
其苗之已非耶穡非其苗則農病士學亦然先王載籍之文之在
世者其跡其本原乃出於人心本之則亡先王詩書六藝之靈不
足以納牖而輸灌是其蔓滋而植者孰與之而孰用之耶嗚呼使
天下之士人人自得其心以礪磨煥發於先王之道其秀而實也

有○冀○矣○前○古○道○德○之○士○進○則○汲○汲○焉○舉○以○易○一○世○之○人○才○退○則○托○
入○本○通○九○便○
於○語○言○使○天○下○後○世○之○民○有○所○覺○此○志○焉○爾○已○此○道○焉○爾○已○論○德○
雷○君○貫○一○好○古○而○樂○善○與○余○交○欲○相○扳○而○進○者○庶○幾○乎○古○先○民○之○
學○闇○然○而○存○之○欲○其○明○也○皦○然○而○施○之○欲○其○信○也○優○游○以○娛○之○異○
其○熟○也○貫○一○之○於○學○云○耳○其○志○益○皇○皇○然○日○進○而○未○已○善○人○君○子○
應○上○作○收○無○二○語○直○致○
之○難○遇○於○世○也○其○將○引○而○被○之○天○下○之○人○與○書○之○於○策○非○君○今○日○
所○爲○汲○汲○也○貫○一○屬○余○序○其○書○論○序○記○雜○文○如○千○卷○序○其○志○如○此○
云○

爲學須自得其心自得則本深而末亦茂矣其文簡質明銳極望溪

○○劉蘭谷文集序

禮樂治教之謂文。書之冊而品章條貫。其辭之精也。自孔氏不能
以其禮樂治教者施諸時。而備其道於辭。曰天之未喪斯文也。孔
氏之歿既久。漢以來儒賢繼興。代不數人。而皆及其世之盛。能以
其意求孔氏於千百載之上。其辭與道之歸然蔚然者。二千餘年。
其人可指也。竊嘗以謂斯文之流於天地之間。其明晦興耗絕續。
係於人。然亦有非其人所得自致者。其世有漸磨不已之治教。詩
書仁義之澤。郁然而流。駿民碩士生於其間。綢繆闔闢。內以載其
精神心術之微。而外施於民物政事典冊號令。銘功術德。流耀河

獄蓋唐元和宋慶厯之文韓愈柳宗元歐陽修曾鞏王安石蘇軾
不得而有也天地之元氣治運之精華萃焉及其弊也士大夫魄
偷氣散率其不學無稽囂然於上下之間而剗削盡矣嗚呼豈非
然哉余與侍御劉君蘭谷友八年始同官秋官郎讀君所著古文
私嘆今何自而得孫可之王介甫之苗裔乎已而君遷吏部擢御
史以去乃益親余而吾二人者有作無巨細必相質盡規益蘭谷
爲人介重精密無非義之干其學鈎探於六經周人之書其情日
以深氣日以下其文與語必已出幽異渾脫汨汨以來蘭谷將自
有其文於下上千百年之間矣乎抑爲元和乎爲慶厯乎歐陽子

謂宋興幾百年而古文始盛。國家太平。今百年。以君與吾之世。其
纒○平○放○二○道○華○
可矣。庶幾及吾身。見吾世。而有如元和慶厯者之人矣乎。吾與君
其日以望之矣。明也晦也。興也耗也。絕也續也。其命懸於天。要之
皆待其人。蘭谷之學益進而未止。其得志又不獨發之於文章。而
余所爲書者。蓋詩書仁義之澤。不可不流於天下。而斯文之在人
不可以一日而亡也。嗚呼。獨能無思矣乎。

文非其人所得自致。由於國家之氣運。議論特高。文亦隘異。渾
脫言有盡而意無窮。

○立堂詩稿序

黃立堂先生以才名著湖西、有詩若干卷、五年夏得邑中州、未期
邑邑謝去、爲上高學官、瑞爲府屬縣三、而上高最僻、士相見率然、
罕衣冠露頂學宮、孔子廟臨荒城上、城居人草屋相望如田家、蓬
蒿弗然、真逃虛空者之所與遊也、亡酉八月余自南昌買棹訪之、
相見甫坐定、卽携手上小閣、閣臨江、開牕三面足眺望、曰吾雲山
斗酒待子何如、卽出所爲近詩讀之、而多繫歎不得志之音矣、立
堂不嗜飲、余飲所蓄酒輒盡、每宵靜月明相對坐芭蕉樹下、或徙
倚凭閣、輕舸數十逐魚網、澄潭獲巨魚獻之、笑謂此樂亦壁不過

也。余爲留十日。酒闌燈灺。或論古今詩。或論史。輒至夜半。因遂盡
讀立堂前後所爲詩。立堂爲人意豁如也。交天下士。落落少可其
意。其才常思一見於世。而但如是。可嗟已。詩多近體。感懷遊賞之
作。興致頗然。天放初時。如出水芙蓉。渠繼若清秋矯翮。句格工適健。
中州以後。多可採之風矣。昔吾友涂海門。嘗讀而題其卷曰。邇來
詩調競唐風。優孟衣冠處處同。瓣香別有師承在。不是坡仙卽放
翁。海門論之如此。惜乎其與立堂不及一相見也。永年三十無成。
謬思學爲用世。希慕古之殊功。恐不可得。常撫卷笑曰。命其何如。
於世其無能爲。將遂從君。更求荒墟寂寞著。文相樂乎。上高范明。

府風雅君子也。其以永年言何如。

其地其人其詩皆活現紙上真蕭然絕俗之文。

。匡遊草序

匡廬遊草二帙、鉛山高爲阜、廣昌黃永年、從吾廬陶先生上匡廬作也。高子詩凡二十、有七篇、永年記一篇、詩十、有四篇、其吾廬先生暨陶大兄學耕作、另二帙、不盡存、永年篋、丁未春、乃取二人篇什、編而序次之、詩五七言、古今體、無弗有、遊皆匡以南、未旬日、旋反棹、尙未盡匡山十二三、而諸子恢奇之興、瑰怪之語、偉然欲與古人方駕者、遽如是、是亦侈矣。詩文各以其性情、刻畫山水、務開從來生面、故余兩人之詩、篇目多不同、蓋如相避然。高子爲人、負氣岸才、鋒射人、如水精耀、如劍鐔、出凌厲、振蹕、嘗爲邑不平事、獨

挺身構大禍○破家產數千金○不介意○今猶使氣常罵坐上人○余竊
規之高子○忻然故余兩人者○交相得也○讀其詩○英光磊落○籠挫萬
物○亦似之○方鼓棹上匡廬○時秋風大厲○川水灌湖○百里排空之浪○
高於山○余倚舷凝望○攬其雄莽○震動與相吐納○而諸子遽呼起共
爲詩○余睇視高子○據案疾書○隱若大敵○及成○各三四百言○而高子
文不加點○險語鏗○憂揮筆而成○信乎其軼才也○嗟乎○匡廬擅東南
奇秀甲天下○而三峽玉簾泉等處○最怪偉○皆人跡所不能常到○非
窮幽探勝○不與人以得見○靈物善藏○固如是耶○余最喜五老峯○嵯
峨雄秀○作五老峯名詩○詩曰○五老五老○我今醺汝一卮酒○世上知

已難輕言。汝老甲子七十四。此日勒銘黃永年。遂勒名石上。而還見者。猶震其豪氣。大駭蕩然而三疊玉簾。不輕洩其奇。故終古遊匡廬者。嘆匡廬真面目難識也。黃永年序。

意致局陣句格皆工如出魏冰叔手

○○涂贊皇今文遺稿序

余友涂君贊皇嘗自編輯所爲今文如干首屬永年論定序之又
自言吾近評點唐應德文字得其意法將爲十數首增置稿中以
故余序亦未遽作而君不幸以今六月客遊錢塘死矣悲夫君之
今文其可見於世者亦止此而已矣其有志而未逮固多也吾鄉
數十年士以時文甲他郡能者與天下士相馳騁雋春秋試若持
券其可謂非鄉之盛與然追閱吾世以前數百年之間士大夫學
問之消長人才之興壞有不勝墜緒茫茫之嘆者是亦不獨一方
之故也以君之文當此時豈不足以相雄長而終不大顯於時獨

無幾微愠尤者。豈非其志固他有所尚。與君早歲及易堂先進之門。經指授爲古文。有師法。繼而閉戶參稽乎經史之要。沉澁古大家之作。者凡天地治亂。人物絕續。君子修名砥德。求友之切務。雖忽○又○接○榜○時○反○今文之作。時時見其俯仰上下。慨吁當世。如不及之情。世之讀者。必能深觀以得其意。而悲其用心。惜乎其可見者。亦僅僅止乎是也。君之文始由金羅入。而上溯於茅順甫。歸熙甫。又進而及於守溪。荆川。其幽渺之思。正大之識。演漾決漑之氣。盤注於篇幅。始與余相見。各以其古雜文相請質。而君謬好余制藝文。嘗同郡試。督學得吾文。始覽而未甚善也。袖以歸。置枕畔。睡餘而視者三。乃大

喜○爲○標○指○其○意○脉○而○爲○余○言○蓋○君○於○予○文○癖○矣○然○余○文○終○不○逮○君○
遠○甚○比○年○以○來○相○期○於○古○之○所○謂○文○學○明○諸○心○書○諸○冊○而○可○以○推○
之○爲○身○爲○世○而○用○之○者○庶○幾○稍○慕○效○而○爲○之○蓋○道○術○衰○微○斯○文○過○
絕○韓○子○所○謂○混○混○與○世○相○濁○心○追○古○人○而○從○之○者○此○不○得○遂○爲○人○
道○又○自○傷○薄○劣○慮○無○能○爲○役○而○且○不○能○不○蹶○然○起○者○豈○不○望○吾○同○
志○二○三○君○子○也○哉○而○如○君○者○乃○不○及○與○有○成○而○且○卒○矣○君○享○年○五○
十○有○七○需○次○將○爲○貢○士○而○未○及○人○或○惜○之○然○君○辭○薦○舉○舍○百○里○命○
官○次○是○區○區○者○何○爲○也○哉○

所序者時文而所咨嗟婉嘆言不能盡者則別有在也頓挫沉

鬱其味無窮

○黃岷雪文稿序

培山余同年進士。同姓齒兄弟。居京師相講業爲同道。培山以內艱家居。今年秋奉其尊君子岷雪先生文稿。而以書屬曰。願有序也。先生制舉文名海內數十年。今刻稿內有永年童而誦之者。序何敢辭。獨念先生之文。當早取上第爲顯人。今以諸生家食著書而樂道。是其有於中者。豈曰文之云乎。夫君子之德業與制舉之業。非有二也。介紹者致主人之辭於賓。不可失其意。况宣聖人之言以答。天子之制科。豈可禱昧於其意。得其意則不可不有諸已。余近讀鄉先進羅文恭舒文節鄒文莊忠介諸君子書。彼皆發

此意本王陽明文章○岷雪序

此○卽○所○云○追○問○吾○世○以○前○數○百○年○之○間○者

身○制○舉○其○精○神○心○術○無○不○與○洙○泗○洛○閩○相○憑○依○者○其○時○士○大○夫○家
居○講○學○漸○磨○之○盛○列○郡○之○內○不○但○百○里○一○賢○前○後○鬱○鬱○相○望○士○束
髮○受○學○親○見○先○生○長○者○之○容○貌○而○飫○聞○其○說○其○禮○義○之○心○勃○然○而
生○於○中○薰○蒸○陶○冶○不○可○以○已○至○今○漠○然○動○人○以○山○高○水○長○之○思○者
去○我○生○之○世○未○遠○也○先○生○尊○甫○漁○舫○先○生○爲○義○理○之○學○先○生○授○之
於○家○諭○德○雷○貫○一○嘗○謂○言○之○私○意○先○生○樂○道○之○暇○以○文○淑○後○進○與
進○而○之○德○業○者○幾○何○人○培○山○侍○養○先○生○之○暇○得○友○之○賢○與○士○之○可
共○學○者○又○幾○何○人○自○古○在○昔○先○民○有○作○奚○遂○今○而○異○於○古○所○云○耶
序○先○生○之○文○而○及○此○亦○詩○雞○鳴○風○雨○之○思○也○先○生○嘗○著○章○水○考○臨

川李公稱其數千里溪山屈摺尺幅辭簡而意盡是書余未之見也。

不贊其文而第舉前車之流風懇懇爲後賢道先生之意盛己其文亦風韻獨絕

。送方靈畢先生歸江南序

傳曰人者天地之心。天之生人也。千萬世如一日。人之心乎天地也。亦然。古今無異。鳥獸草木也。五穀之育。竹箭杞梓松栢之材。且茂。馬牛之行。地致遠。視詩書傳記所稱。不古異也。人備陰陽五行之冲和。其忠信才德於古。豈有異乎。人變乎古。則天地之心失。蓋陰陽五行之播。神明之流於天地之間。聖賢詩書禮樂教澤之貽。畱有時。不能與斯世。滯昏奸慝。腥聞之害氣相勝。至使天地聖人退處無權。而斯世。滯昏奸慝。腥聞之害氣。其浸淫旁魄。民之初生。受而入焉。幾羣伏於隱微重闇之地。而害發家國政事之大。人亂。

其常而天地病於是。星陽風雨寒燠。嶽瀆流峙。紛然失其常度。人
民夭札。百產閉塞。災害橫流。而斯人者。羣且相乘。而操天下之一
切。天下之生。至是爲岌岌矣。昔之大賢君子。處此卹卹。乎有憂之。
六籍以來。孟氏正人心。其言曰。生於其心。害於其政。發於其政。害
於其事。董仲舒正誼明道。韓愈原道。原人。周程張朱。述前聖明絕
學。此入君子者。天地之心。生人之命。所恃以不息。與。嗚呼。古之大
賢君子。吾思而不得見之矣。桐城方先生靈臯。學純壽耆。撰述在
承明。文章行天下者垂五十年。永年讀其原人上下篇。嘆其言勝
韓愈。先生閱世憂患多。其於遺經也。用力深。故其詞憂深旨遠。處

公卿之中弗善也。乾隆十七年夏四月，予告還江東，執永年手而再屬曰：君何以序我之行？先生於永年知愛篤久之，乃推類先生原人之旨，質於先生。善人君子之不可絕於世也，若嘉種焉，剥之上九所謂碩果是也。其命亦懸於天矣。先生歸東南之士，其有所宗乎？夫能以天地生人爲心，是以天地之心爲心也。

意古詞高，可與望溪原人並讀。

○○○送陳生序

陳生道來京師。從余遊。嘗館吾室。稍與生論說學之砢砢窮晝夜。不倦。已。僦居天壇之旁。舍去年試順天。不利益。發憤志乎古者之爲學。近所讀周漢古書甚多。生又好聚書。凡羣經十八代之史。漢唐以來二千年諸儒經解。百家之撰述。蓄而有者。已十數萬卷。余少爲學。最苦乏書。蓋貧不能購。生平所讀書。多遊學四方所借閱。故常遺忘。荒忽。官京師。貧亦不能聚書。視生今所有。不什一也。生之志既篤。而其爲力又優矣。今之歸。請於余。問所以讀是書者。生知夫苗乎。良農之辨苗也。其苗是矣。土壤之膏。風暘露雨之甘。且

其苗是矣。○文亦同意。

和○人○力○之○普○其○日○至○之○時○有○不○熟○乎○學○之○於○人○心○亦○然○得○其○所○以○
爲○苗○者○師○友○之○助○先○王○詩○書○載○籍○之○靈○皆○所○以○培○其○根○秀○其○華○既○
其○實○也○失○其○所○以○爲○苗○者○雖○學○焉○是○猶○資○膏○土○陽○雨○耕○耨○而○熟○稂○
莠○也○生○務○反○而○求○其○本○焉○是○故○誇○多○闕○靡○者○浮○也○盜○取○稗○販○勦○飾○
於○文○辭○者○雜○也○誘○於○勢○利○者○惑○也○銳○進○欲○速○成○者○害○也○孟○氏○所○謂○
掘○苗○者○也○去○是○四○者○庶○乎○其○軌○於○道○矣○是○故○博○觀○約○取○以○厚○其○積○
焉○潔○其○所○以○受○之○者○而○已○優○游○沉○浸○以○俟○其○入○而○說○焉○慎○擇○焉○而○
出○之○其○可○也○其○效○則○行○誦○政○事○文○學○所○出○出○也○生○邑○涂○于○岸○吾○嘗○
與○其○學○生○歸○試○以○吾○言○質○之○

積書既多須得其所以爲學之本則不浮不雜不惑而至於握
苗其義醇乎其醇其詞潔之又潔此等文直與望溪抗手

○遊玉簾泉記

自歸宗寺折而北百四十五步望玉簾泉隱隱數峯間如帶逕石
磴梯轉下臨絕壑左倚峭壁縮縮行將至半里許聞澎湃聲與松
濤相亂逕益峻仄壁陵起若將排人前後屏息下至石橋卽泉經
流處再上經廢石閣折而出二巨石相持塞谷口遊者僂僂出其
竇谷崖削起千仞瀑從崖頂騰空奔注白氣倚天立山腹石突起
衝擊之大聲轟撼四者箭溜凸者激涌跳沫噴雪翻落於盤石數
跌始注爲池渟泓湛碧溢別澗嘈嘈下山而去餘閃電者蚯蚓結
者屋漏者着藤蘿上滴滴掛珠者同遊大呌奇絕高子上則卽池

石上磨墨爲詩云云。余賞其語。坐池石再誦之。吾廬陶先生笑曰。昔東坡以黃巖瀑三峽淵爲匡南二絕。惜未見此。今乃真三絕矣。僧魯菴言此經秋勢殺已半。若春時河懸渤立。風雷曉夕震陵谷。雖好奇之士莫能卽。日脚倒射瀑氣垂虹。色五采奪目。是日晦。無有潭。石有石穹。覆下視疑將壓。上廣平可坐百許人。望泉益暢。乃汲潭煮茗飲之。泉味甘冽。坐久寒氣襲人。各增衣而下。余披匡廬圖誌。見昔遊者無不競羨谷旌好事者。或載其泉以往。毋亦陸羽品題之故。以茲泉之勝。沒於荒崖僻嶮。近六七十年始有聞於世。而亦無爲刻肖其奇者。益以見茲山之博且奧。經千百年。每幽探。

勝屐屨之所經。尙有所不能盡。是遊吾廬先生。從遊陶大兄。勤三。
同上。則俱有詩。而余記之如此。同遊僧魯庵。併童僕五人。泉源發。
金輪峰頂。下澗爲鸞溪。遠寺側鸞溪者。佛印於此。以擬虎溪云。
前幅爲狀瀑布之奇。如見中間。再以僧言補之後。發感慨。以見
奧博無盡。筆筆峭削。如出魏叔子手。

○ 龍溪黃氏節婦碑記

吾宗龍溪進士可潤與余交京師相過從懽然每仡仡道其家世
節婦事入國朝以來自黃十一郎妻林氏以下書於譜刻石於
廟者凡二十有八人龍溪之宗遠有代序環壺水而家者數百
年之間閨門之內婦不幸失所天無失節者或姑婦娣姒相踵或
撫孤或爲置後其寒如霜雪堅如砥柱由後泉前趨義一軌世固
謂富貴康寧壽考爲家門之慶如諸節婦者所遭皆無之而貞德
聚於一門如是吾知其後當有餘慶也蓋先王之世義摩仁漸不
能使天下無七子凱風之傷後世旌門綽楔之典不能使天下無

再適人之婦。人性之不齊然也。而二十八人者。非盡有聞於詩書。形史。其子孫側微。又未一有旌門綽楔之事於朝。其師心畏愛。惟恐失之者。義而已矣。匹婦之義。陶淬於一家百年之間。鬱爲風教。况仁人志士。信道篤而力行。不惑者歟。進士兄。屬永年記。屢請不倦。吾未至龍溪拜壺水之家。廟吾宗人士。懷仁慕義爲聞家。於吾進士兄見之矣。乾隆九年秋七月庚辰。江西廣昌宗人永年。撰以義字作主尺幅中波瀾自濶。

。光祿大夫太子太傅文華殿大學士兼吏部尚書加五級贈
太傅宋文端公墓誌銘

乾隆元年秋八月己卯光祿大夫太子太傅文華殿大學士兼吏
部尚書加五級宋公薨於位先是五日御醫以公病勢聞上
方有祀事齋戒命和親王問疾越翼日丙子上親臨賜第慰
問良久既薨上聞震悼輟視朝一日親臨哭奠賜以帑金贈
太傅入祀京師賢良祠諡曰文端逾年匭南歸以某年月日葬某
鄉某原公姓朱氏諱軾字若瞻號可亭世籍江西瑞州之高安十
世祖永樂進士官刑部郎諱益者治獄多隱德曾祖諱崇遠祖諱

朝綏邑諸生考諱極光、自曾祖以下皆以公貴、贈光祿大夫、太子
大傅、文華殿大學士、兼吏部尚書、曾祖妣李氏、祖妣張氏、孫氏、妣
冷氏、皆一品夫人、公爲人小心精敏、而儷游充澹、若不見其能事、
上遇人一本於誠、不爲矯飾、篤弼三朝、褒寵備至、益恭謹自始、
仕至極貴、其居室衣服食飲、見者不知爲貴人、所薦達士皆不使
其人知、不名講學、其於心術義利公私之辨、國家行政用人忠邪
興壞得失之方、持之醇如也、康熙三十三年、以領解第一人成進、
士改庶吉士、又改潛江縣知縣、以斷獄不阿、制府意、制府怒、累擿
公不爲動、且劾矣、會新撫至、謂制府如公言、朱令賢也、何劾爲、以

此段補、後出處、屈臣

薦入爲刑部主事、轉員外郎、郎中、尤盡心獄訟、有借道公庫已奉旨寬追呼、或欲以培克爲寵、誅求甚急、公力持不可、久之卒如公議。

聖祖因是知公名、四十八年、充會試同考官、命提督陝西學政、以關中先儒張子知禮成性變化氣質之學爲諸生摩刮、秦士大悅、嚴試冊、報部科公不名一錢、部科吏怒、拒冊不收、故遲之爲公罪、鐫二級調用、時科試未竣、代者且至、秦士入試院、合詞監臨者、請奏畱公不得、則大譁、監臨爲好言寬之、會有以其事上聞者、聖祖知公操守、特命竣試事、退歸、用九卿薦、擢光祿寺少卿。

聖祖意寢嚮用公久之超四級簡奉天府尹踰年擢通政使司通政使出撫浙江三年拜左都御史丁父憂命在任守制公具疏懇請終制不許則請歸葬畢以墨綬効力軍前又不許時山陝二省大飢以公往山西視賑事事竣趨密雲迎大駕又命往山西試行水利社倉甫至又命往陝西讞魏二等獄獄具還京師得假歸葬

聖祖宴駕公星馳赴哭梓宮

世宗卽位銳意興治國家大政及進退人才必詢謀公雍正改元拜吏部尙書四月充恩科京兆正主考加太子太保給假歸爲母

冷氏太夫人壽。賜御書及尙方珍物無算。是年復充恩科會試正主考。拜文華殿大學士兼吏部尙書。丁母憂。家訃未至。巡撫先以聞。公時在營田水利工所。

世宗知公至孝。恐驟聞過哀毀且。召公至。慰諭而諭通政司及公在京家屬。無先以訃告。命江西巡撫以司庫銀二千兩界

其家治喪。公歸。賜帑銀二千兩。以公貧故也。而諭到家守孝

百日。卽來京辦事。公奏請解任。終制益力。是日又諭閣臣大學

士朱軾所奏。情詞迫切。宜允所請。但三年爲時甚久。目前有畿輔水利之事。正資料理。可於八月前來京師。委任顧問。公家居喪次

一年葬畢。抑哀復命。至則

世宗遣學士何國宗副都統永福出迎。賜膳。命以素服在內閣吏部。都察院行走。不補元官。無與朝會。燕享。公時內總閣部外兼水利營田務。勞憊甚。疾大劇。不入直。一年具摺懇請解任。

世宗手詔敦諭。宜寬懷。願養無以久。未入直。職務爲念。明年詔解部務。尚直內閣。坐撫浙時失察。呂留良私書吏議革職。命仍視事。尋還職。兼管兵部尙書事。又署理翰林院掌院學士事。十三年復出相度海塘。至中途聞

世宗晏駕。公號慟趨還。朝而

今上已有旨大學士朱軾老成望重令回京辦事等 命協辦總

理事務 賜世襲騎都尉乾隆改元二月會試復充正主考又充

此○段○總○敘○其○為○政○願○末

纂修三禮館總裁官公為政練達有體自為縣及撫浙未嘗假賓

佐摘伏多洞中吏不能為奸政事之外益著書有餘暇浙俗競為

浮靡民朝不計夕弊甚公以身教儉除供億減出人儀從衣綈啖

糲橡吏無敢曳紈綺八里黨婚喪賓蜡燕會具有品式戒毋得越

久之浙民便之郡邑長望風自飭公察吏嚴而不苛吏皆奉法北

新關素為奸蠹藪公至乃無敢括責浙西自衢洋至石墩鳳凰以

迨乍浦澈浦梁莊數百里海潮汐為害民安危倚塘為命且築且

圯公因地形水勢高下緩急爲捍禦開濬捷石丈尺紆縮皆有法

近○開○野○營○見○于○奏

度惟所築至今無患雍正三年餘姚上虞會稽等縣塘衝決破傷民人廬舍命公往勘還面陳形勢修治大要

世宗大悅悉如公議行公之視賑山西也先言便宜五事皆聽用凡銀米贏縮里甲戶口遠近多寡勸糴之方及所以散給者規畫詳盡守令惟受條約全晉賴以活公稔知天下州縣倉儲虛耗有司任意侵那一遇歲祲發賑遂以冒銷爲幸灾民轉徙溝壑無賴乃因山西之飢爲上盡言其弊請嚴定章程飭下督撫勒補所屬屬空爲荒備又請易出陳易新爲擇地分貯或糴或借一視民

穀原委最詳

便○毋○令○吏○得○爲○奸○事○皆○施○行○國○家○歲○轉○東○南○漕○數○百○萬○而○畿○甸○水○
穀○二○府○之○政○不○修○幽○燕○多○棄○壤○漳○衛○滹○沱○灤○潞○諸○流○百○道○歲○泛○溢○
爲○害○元○脫○營○田○之○法○西○自○西○山○南○至○保○定○河○間○北○抵○檀○順○東○至○
遷○民○鎮○器○具○工○作○穀○種○費○鈔○五○百○萬○錠○歲○則○大○稔○不○賴○於○轉○漕○其○
計○夫○授○田○則○壤○定○賦○水○泉○陂○塘○門○堰○埧○築○之○方○具○見○於○往○牒○明○之○
廷○議○紛○紜○欲○復○其○績○而○不○能○其○見○徐○尙○寶○文○定○之○論○尤○詳○惟○戚○繼○
光○稍○修○於○薊○鎮○豈○後○之○水○學○無○法○不○能○如○前○謀○國○者○無○亦○爲○近○功○
尺○寸○之○見○不○爾○地○利○於○古○今○豈○有○異○乎○公○登○政○府○時○與○怡○賢○親○王○
籌○度○畿○輔○營○田○水○利○合○詞○陳○於○上○發○帑○金○百○萬○兩○爲○經○費○凡○土○

方丈量水線水平散籌收籌及溝渠圖堰諸法皆井井且大興
未幾而公奉命出視海塘又以母憂歸又以疾求解職任十三
年又自請赴浙視海塘惜未竟其功公規畫大諸務詳盡於民生
利弊尤惓惓而督撫外吏好興利爲功且爭言開墾病民尤甚當
今上卽位之初公首疏痛陳其弊言今四川丈量多就熟田加
增錢糧以成清丈之名廣西報部捐冊墾田數萬畝其實多係虛
無因爲通行丈量之舉與將求熟田弓口之多餘以補報捐無着
之數大行皇帝洞燭情弊飭令停止丈量而前此虛報陞科之
田業經入冊責令輸糧小民不免苦累又河南報墾亦多不實請

飭下各省督撫將報墾之田逐一查明如是虛捏卽行題請開除
無爲民累又言法吏以嚴刻爲能不問是非曲直賊私先酌數目
迫以極刑刻意株連惟逞鍛鍊之長希著明斷之號請飭下督撫
嚴諭有司讞獄務須虛公詳慎原情酌理協於中正上覽疏嘉
嘆○悉○爲○施○行○而○向○之○以○興○利○爲○功○者○稍○相○繼○罷○去○其○遺○疏○尤○懇○懇
於理財用人之際謂額徵所儲一切經費寬然有餘倘言利之臣
倡說加增仰祈聖明乾斷永斥浮言實天下蒼生之福至於用
人邪正公私心跡各判幾餘之際最易混淆惟在皇上慎之又
慎審擇君子小人而進退之嗚呼公之忠誠謀國無愧於古大臣

之誼而止之稽謀老成能聽用盡言可謂君臣相遇千載一時
○總○轉○制○文○
宜乎殊恩異數于公存歿之餘有加無已也公學湛深經術尤邃
○爲○具○著○述○
於禮酌古今之宜期可躬行家居時嘗刻三禮及前儒議禮書爲
家儀三卷撫浙時謂國奢示儉國儉示禮又益以士相見鄉飲酒
禮爲儀禮節畧其三十卷以爲浙人承式又增定禮記纂言周禮
註解訂正大戴記呂氏四禮翼溫公家範顏氏家訓又著有大易
春秋詳解歷代名臣名儒循吏等傳若干卷輶車雜錄廣惠編並
行於世素有人倫鑑所舉士多洊至大僚以功名顯于善類護持
尤切爲左都御史時

世宗諭六科皆屬於都察院。科臣有抗爭者，訟及公。公力請，乃得寬減。又嘗疏請凡文官四品以下，皆得移封嫡母、生母。繼母皆得竝封。以風孝慈。公生某年月日，享年七十有二。元配陳氏，累贈一品夫人。繼配毛氏、謝氏，俱贈淑人。先公卒，陳氏封恭人。子男三人，曰必堪、以廢官、通政使司右通政。曰璵，丙辰進士，改庶吉士，俱謝淑人。出曰必坦，壬子舉人，世襲騎都尉。陳恭人出子女五，一字建昌縣學舉人李。家駒未婚夭。以節自誓。餘俱適士族。孫男五人，孫女二人。銘曰：人臣之位，相位而極。非位之榮，四海之責。稽古相業，視學崇卑。虞湯有作，必咨咎伊。溫溫朱公，惟德之恭。輯古

名臣以程厥躬眷求簡在

聖祖

世宗公在綸閣金鐘大鐺

皇帝嗣服稽謀耆碩曰予舊學醇修清德公之昌言殷命虞謨炯
炯金鑑

皇帝曰俞公事三朝爲世毗依民有父母國有著龜生也褒崇
薨也贈謚凡百君子敬爾有位

迤逦詳密復有體有度如此纔見文端公眞面目視小倉山房

一作以浮詞作門面搪塞者相去天淵